



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **30-780-10/22**

Sarajevo, 16.8.2022. godine

Int. br. nabavke: **30-51- 33/22**

Na osnovu člana 69. stav (2), tačka a) i člana 70. stavovi (1),(4) i (6) Zakona o javnim nabavkama BiH (Službeni glasnik BiH, broj: 39/14), i člana 47. Statuta Agencije za vodno područje rijeke Save, Sarajevo, donosim

O D L U K U

**o poništenju postupka javne nabavke radova: "Izgradnja parapetnog zida na rijeci Sani u naselju Gerzovo, općina Sanski Most, dionica od P3 do P7",
Otvoreni postupak
Obavještenje o nabavci br .: 1132-1-3-90-3-60/22**

Član 1.

Poništava se postupak javne nabavke radova: **"Izgradnja parapetnog zida na rijeci Sani u naselju Gerzovo, općina Sanski Most, dionica od P3 do P7"**, zbog toga što nije dostavljena nijedna ponuda u određenom krajnjem roku.

Član 2.

Za izvršenje ove odluke zadužuje se **Sektor za realizaciju projekata** Agencije za vodno područje rijeke Save, Sarajevo.

Član 3.

Ova odluka će se objaviti na web-stranici www.voda.ba.

Član 4.

Ova odluka stupa na snagu danom donošenja.

Obrazloženje

Općina Sanski Most je, dopisom broj 02-11-2774/21 od 15.10.2021. godine za Plan i Finansijski plan AVP Sava za 2022. godinu kandidovala nastavak izgradnje zaštitnog parapetnog zida na lokalitetu Gerzovo na potezu od profila P1 do P7 dužine 300 metara. Gradsko područje Sanskog Mosta je prije 50-ak godina planski zaštićeno od poplava nasipima i zaštitnim zidovima na potezu od mosta Karići do mašinskog mosta. Područje uzvodno od mašinskog mosta nije bilo zaštićeno jer je bilo nenaseljeno i predstavljalo je prirodnu retenciju koja je bila omeđena sa jedne strane nasipom austro-ugarske pruge, a sa druge prirodno uzvišenim terenom. Danas je to dio urbanog područja sa brojnim stambenim i poslovnim objektima, korito Sane je tu veoma plitko, i do 2 metra pliće od nizvodnijeg dijela. Zbog toga što se uz lijevu obalu Sane nalazi magistralni put M-15 Sanski Most – Prijedor nema prostora za klasični nasip te se naselje Gerzovo mora zaštititi parapetnim zidom. Nakon završetka izrade mapa opasnosti i mapa rizika utvrđeno je da je ovaj lokalitet jedan od najugroženijih u Federaciji BiH, i da je to lokacija gdje je potrebno prioritarno djelovati sa zaštitnim aktivnostima protiv štetnog djelovanja velikih voda. U prethodnom periodu je izveden parapetni zid od profila P7 do P20 u dužini od 700 metara. Obzirom da je postojećom projektnom dokumentacijom za nastavak radova predviđena izgradnja zida do profila P5, dana 25.02.2022. godine zaprimljen je dopis općine broj 02-11-838/22 kojim traže produžetak izgradnje parapetnog zida do profila P3, a ne do profila P1 jer za dionicu od P1 do P3 nisu riješeni imovinsko-pravni odnosi. Obzirom da za dionicu od P3 do P5 nije bilo projektne dokumentacije, u međuvremenu je ista napravljena. Za ovaj projekat su riješeni imovinsko-pravni odnosi i izdato pravosnažno odobrenje za građenje. Za realizaciju ovog projekta u prvobitnoj dužini od P1 do P7 predviđena su sredstva u iznosu od 300.000,00 KM. Zbog velikog povećanja cijena nafte i građevinskog materijala u prethodnom periodu povećala se jedinična cijena po dužnom metru zida, ali pošto se smanjila dužina potrebnog parapetnog zida sa 300 metara (od P1 do P7) na 200 metara (od P3 do P7), planirana sredstva od 300.000,00 KM su dostatna za smanjenu dužinu dionice.

S obzirom da su cijene svih prihvatljivih ponuda znatno veće od osiguranih sredstava za predmetnu nabavku, Komisija za nabavku predlaže poništenje postupka, te shodno članu 70. Zakona, donošenje odluke o poništenju postupka.

Na osnovu navedenog, a zbog toga što nije dostavljena nijedna ponuda u određenom krajnjem roku, odlučeno je kao u dispozitivu.


PRAVNA POUKA:

Učesnik u postupku, koji nije zadovoljan ovom odlukom, može u roku od 10 (deset) dana od dana prijema ove odluke izjaviti žalbu zbog povrede odredaba Zakona o javnim nabavkama.

Žalba se podnosi u najmanje 3 primjerka Agenciji za vodno područje rijeke Save, Sarajevo. Žalilac je obavezan platiti naknadu za pokretanje žalbenog postupka u iznosu od 3.500,00 KM (član 108. stav (1) tačka d) Zakona o javnim nabavkama BiH).

Dostaviti:

- Ponuđačima
- Sektor za ekonomske, pravne i opšte poslove
- Sektor za realizaciju projekata
- a/a



DIREKTOR

Sejad Delić
Sejad Delić, dipl.inž.